

KA HĀ'AWI KAHA 'ANA MA MULI O NĀ KOI NO NĀ KULA HA'AHA'A

Hā'awi ka 'Oihana Ho'ona'auao i ke kaha i nā haumāna ma muli o nā koi ma 'ehā kūlana mākaukau: Advanced (Holomua Loa), Proficient (Holomua), Partially Proficient (Holomua Iki), a me Novice (Ho'omaka). 'A'ole like nā koi me ka papa ha'awina, he mau kūlana nā koi i helu 'ia ai nā mea i mana'o 'ia ai he pono e pa'a a hana pono nā haumāna ma kēlā kēia papa.

Penei ka Hā'awi Kaha 'ana ma Mulī o nā Koi no ka Holomua o nā Haumāna Mālaao:

MP = Meets with Proficiency (Kū i ka holomua i mana'o 'ia ai)
DP = Developing Proficiency (Ke mohala maila ka holomua)
NY = Not Yet
 / = Not Applicable at this time ('A'ohe holomua i kēia manawa)
SC = See Teacher Comments (E nānā i nā mana'o o ke kumu)

Penei ka Hā'awi Kaha 'ana ma Mulī o nā Koi no ka Holomua o nā Haumāna Papa 1-6:

ME = Meets with Excellence (Kū i ka holomua a 'oi)
MP = Meets with Proficiency (Kū i ka holomua)
DP = Developing Proficiency (Ke mohala maila ka holomua)
WB = Well Below Proficiency (Nele loa ka holomua)
NA = Not Applicable at this time ('A'ohe hō'ike i kēia manawa)
SC = See Teacher Comments (E nānā i nā mana'o o ke kumu)

Palapala e nānā ai: DOE Subject Matter Standards

NĀ HOPENA A'O LAULĀ

'O nā Hopena A'o Laulā (General Learner Outcomes: GLO) o ka 'Oihana Ho'ona'auao, 'o ia nā pahu hopu nui no ka ho'ona'auao 'ana o nā haumāna ma muli o nā koi ma nā papa a pau loa. Loiloi 'ia nā haumāna papa M-6 e nā kumu ma 'eono kūlana GLO. Ho'ohana nā kumu kula ha'aha'a i ka papa loiloi GLO a me nā mea hō'ike no loko nō o ka papa e ho'oholo ai i ke kūlana holomua ma kēlā me kēia GLO.

'Ehā (4) nō māhele loiloi: **Consistently (Nā wā a pau), Usually (Ka nui o ka manawa), Sometimes (Kekahi manawa), Rarely (Kaka'ikahi).** Penei nā Hopena A'o Laulā 'eono:

(1) Self-directed Learner (Haumāna ho'oikaika nona iho nō): 'Imi 'o ia i ka hana e holomua ai ma ke a'o 'ana
(2) Community Contributor (Kōkua i ka lehulehu): Ka ho'omaopopo 'ana he mea nui ke hana alu like nā kānaka
(3) Complex Thinker (He no'ono'o ma nā 'ao'ao like 'ole): Hiki ke hō'ike'ike i nā 'ao'ao like 'ole o ka no'ono'o pono 'ana me ka huli ā loa'a nā ha'ina no nā pilikia

(4) Quality Producer (Ho'opuka hana maika'i): 'Ike, ho'omaopopo, a hana nō ho'i i ka hana maika'i loa
(5) Effective Communicator (Akamai ke kūka'i mana'o): Akamai i ke kūkākūkā a hō'ike i ka mana'o
(6) Effective and Ethical User of Technology (Ho'ohana i nā mīkini hou me ka maika'i a me ka mālama pono): Akamai i ka ho'ohana 'ana i nā hana me nā mīkini hou me ka no'ono'o pono i ka mālama pono

Palapala e nānā ai: General Learner Outcomes

HO'ĀKĀKA NO KA PALAPALA KAHA

LOILOI KAULIKE A AKAMAI

Ua kūkulu 'ia ka papa hana Loiloi Kaulike a Akamai (Smarter Balanced Assessments: SBA) no ka loiloi 'ana inā ua kū no ka holomua o ka haumāna i ka mākaukau no ke kulanui a i 'ole ke komo 'ana i nā 'oihana like 'ole. Kēnā 'ia kēia loiloi 'ana no nā haumāna papa 3-8 a me ka 11. Hana nā haumāna ma Hawai'i i ka SBA i nā mahina kupulau.

Loa'a ka mo'olelo i nā 'ohana i nā mahina hā'ule lau. Penei ka hō'ike laulā no ka holomua i loiloi 'ia ai no ke kula a me ka 'oihana aupuni.



Hō'ike nō ho'i ka 'Oihana no ka loiloi no:

- Nā haumāna kula Kaiapuni ('ōlelo Hawai'i)
- Nā haumāna me nā pilikia no'ono'o (nā 'ano loiloi kūikawā)
- Nā haumāna ho'ona'auao kūikawā (ka ho'oponopono 'ana no ka SBA, HSA)
- Nā haumāna e a'o nei i ka 'ōlelo Pelekānia (nā loiloi mākaukau 'ōlelo WIDA)

Palapala e nānā ai:
Chart Your Path to College

Palapala e nānā ai:
Parent Guide

Palapala e nānā ai:
ELA/Literacy & Mathematics Assessment

HO'OIKAIKA HI

He papa hana ka Ho'oikaika HI (Strive HI) i nānā 'ia ai nā hō'ailona no ka loiloi 'ana i ka pono o ka hana a me ka holomua o nā kula a puni ka moku'āina. Nānā nui ka papa hana i ka mākaukau no ke komo 'ana ma waena o ka lehulehu, ke kulanui, a me nā 'oihana like 'ole. Ho'olaha 'ia ka mo'olelo i nā mahina hā'ule lau.

Palapala e nānā ai:
Strive HI Performance System

Palapala e nānā ai:
Strive HI Fact Sheet

PAPA HO'ĀKĀKA MANA'O

Hopena A'o Laulā (General Learner Outcomes: GLO): 'Eono mau pahu hopu no ka mea e a'o ai ā piha ke ola 'ana me ka hana e kōkua ai i ka lehulehu

Hō'ailona (Data): Nā mea i a'o 'ia i ka nānā 'ana i ke a'o 'ana o ka haumāna no ke kōkua i ka hana e kākō'o 'ia ai ka haumāna

Ho'oikaika HI (Strive HI): He papa hana ma Hawai'i no ka loiloi 'ana i ke kula ma ka ho'oponopono me ka hō'oi 'ana i ka hana

Kaulike a Akamai (Smarter Balanced): He papa hana loiloi i hana 'ia no ke ana 'ana i ka mākaukau o ka haumāna no ke kulanui a me ka 'oihana

Koi (Standards): Ka mea i mana'o 'ia ai he pono e pa'a pono i ka haumāna ma ka 'ike a me ka hana i ka pau 'ana o ka makahiki kula

Loiloi (Assessment): Ke ana 'ana i ka pa'a pono o ka mea i a'o 'ia me ke akamai i ka hana

Mākaukau (Proficiency): Ka holomua 'ana ma ka 'ike a i 'ole ka hana

Mākaukau no ke Kulanui a me ka 'Oihana (College and Career Ready): Nā mea a pau e pono ai e 'ike e holomua ai ma hope o ka puka 'ana ma ke kula ki'eki'e

Mea Hō'ike (Evidence): Ka hana a ka haumāna e kōkua ai i ka ho'oholo 'ana i ka mea nānā loiloi i a'o 'ia ma ka hana

Nā Ha'awina Kumu (Common Core): Nā loina no nā mea e ho'opa'a ai ka haumāna ma ka Makemakika, ELA, Akeakamai, a me ka Pilikanaka

Papa Ha'awina (Curriculum): Nā ha'awina i ho'olālā a ho'omākaukau 'ia, nā lako me nā kumu waiwai i ho'ohana 'ia e nā kumu no ke kōkua aku i nā haumāna ma ke a'o 'ana

Papa Loiloi (Rubric): He hana loiloi no ke ana 'ana i ka pa'a pono o nā pahu hopu i nā wā a pau